



夢澤集卷之十

詩

贈張子

愛爾清狂甚兼之才調殊不須愁具錦已是握靈珠
放魚

欲作銀絲鱠翻憐錦鬣殊滄波放爾去何用報明珠
月夜嘆五首

度牖含風色懸樓轉雪輝天邊照羈羽不比鵲南飛
其二

明月歲如此青楓再改顏故山有叢桂悵望幾時攀

其三

莫謂高樓穩高樓翻累軀清光逼禁樹樹有驚鳥

其四

玉關同一照玉鏡幾迴圓莫作征人婦高樓長自眠

其五

萬古關山曲仍傳笛裏風中宵報烽火殘魄倚張弓

雜述八首

冬林覆草閣兀坐雪雲停避世棲金馬無人知歲星

其二

日高不盥櫛搔首行且歌飛來避繳鳥戢翼眈庭柯

其三

予本瀟湘客不作瀟湘遊援琴奏流水寂寂帝妃愁

其四

南人慕炎方歲宴寡所歡雖有千金裘不禦北風寒

其五

出門乘款段中道值權璫黠校四五徒前驅何爾強

其六

清晨謁承明百官仍依依迴立訊中使君王何時歸

其七

對酒願一醉醉後忘悲辛憐予亦楚產不似獨醒人

其八

哀歌撫劔匣雄劔且莫鳴風雲倘不負仗爾事橫行
溪邊草堂雜詠六首

其二

鼓楫遵花嶼捫蘿憇早堂門添新竹檻壁掛舊荷裳
其三

芰葉深藏徑荷花淺復艘堦除馴白鳥村巷接清江
其四

觸荇鳧雛沒穿籬竹笋苞渠壅更鑿石屋破自誅茅
日出扉初啓風生席屢移當窓交碧樹隔戶響黃鸝

其五

晨徑露縈草午園風振條鷓鴣窺浦淑翡翠集蘭茗
其六

孤石堪垂釣清流可濯纓沿迴終日興偃卧百年情
元夕雨四首

其二

元夕人間重冥冥暮雨聞眼前歌妓散疑是楚行雲
結伴非無約張燈亦有情春光如羅綺不放此宵明
其三

歌吹催春事風光預可賒請看飛雨度點點着銀花

其四

遊女江皋上，織裳霧雨垂。那能惜羅襪，緩步踏春泥。

夢澤集卷之十

夢澤集卷之十一

詩

燕京元夕曲

大道朱樓錦繡圍，歌鍾萬戶競春輝。樓前火樹嶙峋照，化作紅雲片片飛。

其二

香車一一渡星橋，翠袖雙雙引玉簫。但訝遊人爭辟易，不知夫婿漢嫫媯。

其三

萬柳千花巧自粧，春風吹散綺羅香。誰教月色模糊

甚惱殺幽并遊冶郎

送人遊越中五首

寺閣岩樓望不稀
越王城畔早春歸
尋溪放舸煙花
豁立馬聽鶯醉落暉

其二

鴈蕩汀洲天漢流
奔雷噴雪下龍湫
北風晴霧濛濛
合倚石捫蘿迥自愁

其三

華頂晴登挹彩霞
雲君仙子列如麻
琅玕芝草幽難
撥來往時瞻白鹿車

其四

合沓巖巒生紫煙
赤城遙見石梁懸
攀松帖岸窺難
下鶴駕鸞驂度羽仙

其五

挂席東南萬里迴
海潮八月拍天來
巨鰲一湧三山
動五色樓臺中自開

送李中丞三首

晴旭煙郊列騎迴
中丞春旆拂梁臺
金符玉節層霄
下甸雪河水萬里開

其二

九曲風濤迥自驚黃河天畔繞孤城中宵笳鼓揚帆
渡萬古鯨鯢避楫行

其三

夜月轅門鐵騎寒龍旗千隊指樓蘭丈夫莫負封侯
骨須斬胡頭掛玉鞍

偶題三首

莫謂娥眉不受憐宮中元自如嬋娟亦知白壁終難
擲何事青蠅但屢煎

其二

洞庭南望結愁雲杜若江臯紙自芬賈誼上書憂漢

室屈平投賦吊湘君

其三

寶匣誰當垂拂拭龍文夜夜斗牛間可憐日月雙埋
劍實想雲霄一賜環

贈董氏兄弟

我愛謝家雙玉樹雙凌雲日散光輝佇看北極隨鵝
鷺倘念南山老蕨薇

聞

恩詔有感四首

天書十道出楓

宸 紫極回瞻

御氣新浩蕩遙緘三殿雨露濡長作萬方春

其二

姬年八百未為多虞日謳歌許更過已擲風雷開蟄
戶更添江海接 恩波

其三

天地重開日月移幽人感激 中興時湘纍莫漫
題芳杜漢皓何須詠紫芝

其四

春風翻自朔方回 恩派遙從北海來涓滴須令

沾涸轍吹嘘合遣到寒灰

張澤集卷之十二

文

仕始

昔岡



陳子守滁別王子王子曰仕之始也不可不慎也夫君子庸以驗術矣履以稽終矣造以考成矣入以要至矣陳子曰請問焉王子曰定方以志濟事以才固守以力含美以幾終始之道也陳子曰請問焉王子曰端委嫌于似變化神于交向往起于微性真奪于勢是故君子以獲戾也佞者以蒙澤也鮮弗惑矣故

曰定方以志也敏者集乎殷也強者勝乎重也通者
乘乎時也振者懲乎弊也故曰濟事以才也夫傑而
持摧之或折矣奮而立撼之或仆矣恬而居誘之或
趨矣是故相時而渝汙也適成而寢弱也故曰固守
以力也毀階于譽息啓于妍怨深于劣夫君子任而
却視實而虛中矯而遜出華而襲處故曰含美以幾
也夫志定非才不濟矣才濟非力不固矣力固非幾
不全矣故曰終始之道也

明天

胡子敏而淑惠而整予而和疏達而信遂而坦國人

曰世之榦也邦之貞也楚之哲也天佑之人庸之試
不利得令而往國人曰天何常人何公胡子之良而
胡塞之也王子聞之曰胡子有是也足矣夫人之情
也天將異施夫執情以逆天見之拘也刻運以盡神
說之膚也膠常以憤變臆之固也故變則不齊不齊
則神神則不測不測則天不齊終一不測終明是謂
終定乎人故天爲人宰人爲天心故愛憎屯亨其道
一也是故千夫羨之不如一人惜之夫澤浮而羨羨
爲屯足道屈而惜惜爲亨根故君相法天以用天下
矣哲人去天以治其身矣是故抑以試量量裕而升

約以見貞貞結而遂艱以養譽譽彰而拔拂人以神
其道是謂君相之法不盈其亨不戚其屯唯確唯一
登于大成是謂以天治身

力難

子延令麻城聞命愀然曰予何以堪王子曰子何懼
子地也夫不度之國習僞之民漸靡之俗君子之所
憫也志士之所力也夫憫以立仁矣力以立功矣仁
立者戴矣功立者錄矣故治難而姦廣者君子之資
而志士之藉也夫棄惡無仁避難無功無仁無功民
且疾之將疾民乎故善治者無擇而有方矯時弛術

可以濟矣夫多防啓伺急繩導踰深文滋巧縷約益
亂故杜伺以忠閉踰以度屈巧以信一亂以簡忠所
以存也度所以節也信所以孚也簡所以持也果而
能忠果而能度果而能信果而能簡忠以撤防度以
緩繩信以寬文簡以省約是謂矯時弛術其何不濟
夫身可儀民乃式志不攜績乃成不惑浮言守乃確
懼不克衷乃審故曰子地也子何難焉夫族而解者
刃之利也革而貫者矢之良也痼而愈者醫師之神
也夫歷險遂智負重奮勇遭敵裕謀矣聞之云始之
戚戚其終也愉

闡來

周子名季鳳字公儀號來軒石磯子以語克躁子克躁子曰唯唯予聞之矣夫來有二道焉為世重也為我重也我足世需則來有不能為世重者乎不然有能為世重者乎世足我庸則來有不能為我重者乎不然有能為我重者乎夫韶之致鳳也是鳳為韶也重也鳳之儀韶也是韶為鳳也重也故為韶也重者為世重之謂也為鳳也重者為我重之謂也故察於此二者可以知人矣是故憫覆而拯者聖人之仁也度德而進者君子之審也昭亂而逝者達士之潔也

臨難而避者儉人之戾也非分而據者貪夫之溺也聖人於是乎以成化君子於是乎以立功達士於是乎以令終儉人於是乎以憤事貪夫於是乎以蹈逆於來之道有察不察者是故貞以成德智以辨微脩以末世儉以遠危察乎二重之道而履之無違將有在於公乎石磯子曰然夫貞則動以正矣知則會不爽矣脩則行必飭矣儉則志不淫矣是能為世重是能為我重聞子之言庶幾知公矣

致辭

惟歲丁丑惟時仲冬惟日晦惟劉母初度惟子姓跪

爵惟姻婭咸造惟史氏致辭曰聽予言罔弗聰予乃
誕悉帝之秘俾罔惑惟帝有嘉罔不錫爾衆惟衆弗
迪庸弗迓厥脩曰帝傾厥敷惟爾承乃心乃克自羞
乃罔爽厥衷帝庸錫之嘉惟命罔不脩在德惟錫罔
浮浮乃誕弗祥庸益厥罰惟運罔淳罔在季惟人乃
古昔弗穀罔弗折季乃迪厥躬乃罔弗受厥嘉弗穀
乃弗折迪罔受厥嘉匪厥常惟黜信厥常罔慄慄於
厥愆惟施靡不定在初罔可襲爾庸殫厥心惟施罔
易惟爾感惟劉哲自昔暨有家相厥夫子生生罔不
欽乃底厥成撫乃子姓惟仁罔有陰厥生子姓惟毋

恃胥以康戚疎胥宜曰良克綏厥居帝乃錫嘉曰其
求生慎乃度毋惑累乃績毋墜確乃常毋沈于靡經
乃罔不脩越者躋耄罔艱于履罔耗于視罔憤憤于
志息罔索惟充毋庸襲命其自凝尚其期頤哉予弗
匿厥指尚聽予其有求

倅全

張子倅全乞言於王子王子曰若知仕者之難乎將
長吏乎抑倅者乎張子曰長吏哉萃州之政而盈縮
焉非敏不濟萃州之人而旌別焉非黜不察萃州之
僚而率先焉非和莫協故長吏政之摠也民之則也

僚之式也莫難焉夫倅聽而言象而行俞而行否否而止也是故言州之理倅也逃矣王子曰否意而施無折也虞善而圖鮮不竟焉長吏曷難夫倅爲之或厄其後矣委之受命而食愧焉是故紆徐曲折託之長吏而達之民不隱也民用賴焉弗識惠所自不暴也長吏專其良不忌也是不亦難乎故倅之道有三一曰同寅之恭二曰惠民之誠三曰推善之量夫恭則不隱誠則不暴量則不忌知斯三者可以倅矣豈惟倅哉施於天下將裕乎

歸省

徐子歸王子曰榮哉茲行徐子曰何哉子所云者吾以懼焉而敢榮也夫榮者情之係也幸者機之適也感者仁之厚也報者施之稱也情莫榮於信秉機莫幸於獲間仁莫大於恤其家報莫難於恩之異吾無以勝此矣而叢集焉戴惠而往還無以爲覲緘澤而私公無以爲啓宜子之榮之而予懼也快其蒙是歸以眩屬踈者趣之汙也人親也者冀其子之弟也而亟歸以光望之薄也子何榮焉王子曰善夫厚世之紀也人之經也國之命也訓世以偷其紀壞導人以競其經亂立國以貪其命促往而復意之真也激而

奮德之深也故爲國者厚施以自封也敦俗以勸忠也則化溥矣化溥則功建功建則治成治成則名立子言善可以別矣徐子行

秘奇

張老神於數然於世無遇也問於夢澤子夢澤子曰天道忌彰神道忌明人道忌露物道忌華乘而除之其道彌光故實者或侈其衷矣浮者或恡其慧矣乞者或適其履矣劣者或淫其祉矣闇者或相其行矣覺者或違其覩矣此六者數之爲也乘除之道也故矣道貴微神道貴妙人道貴蘊物道貴質存也闔其

門發也諱其端運也藏其輪竟也化其積夫天神人物之道畢於數矣知而違之有不值其忘者乎夫子之於數也悉其定不滯其交窺其跡不眩其宰天地以子不得隱其度鬼神以子不得隱其情人以子不得隱其紀物以子不得隱其態夫測深析渾好揭玄以示者忌之歸也宜子之不達也是所謂乘除者是故君子冲以爲體直以爲用邃以爲宅默以爲章恍惚以爲象希夷以爲形以索以存不苟示人百福其凝夫子信之矣

疾瘳

王子謂仲子曰子疾且瘳矣何爲乎歸仲子曰子疑予乎予語子予聞之病國者六病君者八病民者四淫爵褻刑毀階裂憲離德竊權六者病國莫大焉比佞疾貞玩戎親險樂田厭政損威最慝八者病君莫大焉效逆捐廉滅義嗜利四者病民莫大焉故君子之仕也非以榮而已將以瘳之也吾聞之救過之餘不可以拯累咎吝者不可以造吉習行者使負鮮不蹶矣今吾有大疾五不見於色慵廢業直忤人亢戾俗信泥古潔取謗夫仕者之謂何將上下之疾是務去而予身之不瘳其何能爲予之歸也屏慮而寂處

勤作而和衷拔固而行恕其愈也而復焉夫行意者不畏議濟大者不輕以試矣予先大夫曰裕而施毋範人以愆其允有功予弗敢辱先大夫之命王子乃謝曰予鄙人誠不足以知子

功慶

百粵之役周君從焉旣平以功自千戶權君指揮鄉之人曰是能榮吾里也往賀之長者令王子言王子乃言曰吾聞之會以行志志以立功功以差賞賞以趨世故上世無功中世有功下世幸功何謂無功分均無競道厚無機無競無勝亦無負也無機無襲亦

無喪也是謂無功何謂有功智爲世謀勇爲世力謀以屈愚亦以崇秩也力以集事亦以庇身也是謂有功何謂幸功附貴爲援行賂爲藉倚文爲僞級以勢擗資以貲豐行者亡居者封是謂幸功故無功之世鮮不化矣有功之世鮮不治矣幸功之世鮮不亂矣三者時之爲也苟非賢豪之士其不免矣君也旅進而不失其貞居恬而不棄其會拜錫而不雄其成進不失貞正也恬不棄會智也錫不雄成謙也正以始之智以爲之謙以終之是謂有功矣要之不苟趣時者其貞賢豪之士哉是故其成可賀也

避歸

胡子國華之以疾歸也國人疑之曰避咎而規全匪國是圖而虞其軀衆而效之國何利焉王子謂胡子吾與也宜令胡子之志諒於人也乃爲之言曰吾聞諸君子曰進退身之準也治亂時之會也得失道之符也故君子道以制時而進退其身孰能踰焉不然無則無則必亂身且亂焉其能濟乎是故崇聖錄良伐奸寵惠君子於是乎躋秩而協諸謀以贊治也吏怠法存上冒下直君子於是乎犯忌觸危力而振之以拯亂也患釀諫賢已弱勢強君子於是乎卷術括

機而去之以守正也夫治則贊亂則拯不能則去道之中也治不能贊亂不能拯不能而不去世之乖也夫醫生人之術也主人疾召醫而視之其不能也而請去之俟主人之他召也是誠於生人者也夫御史官有醫之道者也故留者不盡躋去者不盡不躋國而皆留者之不盡躋也其爲國之不躋也不亦多乎國而有去者之不盡不躋也其爲國之躋也不亦多乎夫譽恬者以抑競也人猶踰之矧誹恬以助競乎於是疑者釋然賦詩而別胡子聞之曰王子之言過矣王子之言過矣予實疾

重師

曾子如陳王子謂之曰嗟乎師道之廢也秩之弗崇易以陵勢之弗張易以抗上陵而下抗故居者易焉夫士國之材也師教之有司舉之天子官之故師材之源也易以居焉何以教教之失則何以舉舉之匪人何以官官之無良何以治故治罔功由官否也官無良由舉冒也舉匪人由教弛也故師也莫重焉易焉以居昧其職也予聞之師道有五一曰正習二曰勤業三曰介守四曰崇恬五曰篤善夫言侈而道費象莊而行邪枝繁而本剝是以正習之爲貴遊以棄

時隋以玩歲是以勤業之爲貴義接而賄行與市焉
而以訓誰則能之是以介守之爲貴群而脩以俟舉
也失者覩獲羨生焉其趨乃壞是以崇恬之爲貴夫
右賢左劣植率仆梗乃能勸矣是以篤善之爲貴行
此五者以教可以淑士矣士淑舉用以臧舉臧官用
以良官良治用以昌故師也莫重焉其何以易茲行
也惟吾子之振之也夫陳大國也子振之四方則之
師道其興乎

申贈

許刺史頽子行其友吳子劉子儲子王子熊子往送

之咸贈以言吳子曰許其生乎夫許梁之近地也日
吾過之見其民病矣曰勢者不法將毒是滋而守者
弱莫之與捍也非惟莫捍且縱之非惟縱之且利焉
夫剝子以食盜非仁媚惡以覆身非勇非仁莫恤非
勇莫力能以守乎子仁而勇者也茲行也生許必矣
劉子曰夫許上有郡下有邑夫事上者下之則也處
于大吏以令其屬其誰不從儲子曰吾聞之革俗者
不恤其議立則者不虞其便謀大者不速其成子志
之也能子曰請無勗其優效其乏夫任力者以奮攻
者也盡情者以深蔽者也故不務濟而急聞敗之道

也君子剛以柔克明以晦神是故往無不利四子言
畢王子趨而進曰美哉言乎吾無以益矣吳子之言
惠而子劉子之言順而理儲子勵其作熊子遂其思
顏子服之萃茲衆美克其剛蓄其明振其勇敷其仁
以和其上下懲其習俗臨其民人許也幸哉有茲刺
史

振弊

王子謂徐子曰夫懷遠弊矣承弊者必力子行慎哉
子之力也何憂乎弊子之不力雖弗弊其將及夫徐
子志子言審而謀儉而欲正而度諳而動毋率情以

揭隙毋瘁衆以澤身毋夷界以服汙毋競俗以隳義
故覲美虞危精微竭矣抑汰崇貞生植溥矣守則革
踰紀綱立矣致軀以遵職冒罰以寬民措設理矣故
畧而寡思足以勗攻侈而浚財足以喪守怠而解法
足以撼衆枉而趨便足以屈道是故約而出之存乎
審裕而蓄之存乎儉介而持之存乎正次而舉之存
乎諳運之不已存乎力子之力也獨懷遠賴哉而及
者廣矣且子行也以親老故夫以官榮者薄矣力乃
職以令名貽焉榮也不旣多乎

惠遠

周子按貴州別王子王子曰今夫伊邇之區閑法而昭情窮陬之生政不易逮長之不仁有忿焉誰與號之有號焉誰與理之夫忿而不理且梗衆也梗而深忿大亂乃生此無故遐者易亂棄以重之也今夫一職曹居愎者知忌寡務參謀妄者知審獨任上制肆者知畏合衆而監假之大柄非人而遣其害滋多此無故專者易恣權以重之也今夫矩之而循習化者也威之不悖旣植者也衆之不率大師克之不務與息亟矩而威焉夫久躍之獸卒而羈之狂頓必矣此無故新集者易恐擾以重之也夫百粵遐矣子職孰

專焉且新集之衆也慎之哉夫遐而棄不可以廣權而恣不可以任夷而士責之繫而敵驅之不可以寧故吏否必擊其將濟乎其惠暨於下矣事舉必咨其將濟乎其思協於衆矣覺附必輯其將濟乎其隱賴於上矣夫惠戴之結也思啓之端也隱命之係也三者國之紀也子正而能讓簡而安有此四德以施三紀其何難焉

禮成

歲戊寅春正月周王使李士光來朝成禮而歸問於王子王子曰子知子役之重乎予語子昔先聖王之

有天下也參之化運以準天也昭之軌物以明民也
準以象微明惠弗哲下之於民民焉宅之以來世也
仁於有邦諸侯是比同姓之國猶與暱焉以庇本也
是故歲以標紀紀以閱歷掄正而崇終盡則始與天
下新於是乎變定而候弗爽揭則以命亟易而有常
於茲有生惟正朔是依莫或逞焉於是乎志定而動
弗爽受朔之期外內之臣奔走焉聽新政也於是乎
度定而承弗爽子也朝正而來役莫重焉周同姓之
國也抑子於周復戚焉是天子之所懼也故守禮弗
失如時而至藉主之恂者行乎其順也觀則於天王

還白其君發乎其忠也翊主惟力務與時新究之於
孔淑弗溺其襲為諸侯先兆乎其倡也

績成

許子為御史三年而績成其僚友往賀焉令予言績
成之道夫事有宰理是已時有制已是已賊理而圖
曰吾且集焉者事役也失已而趨曰吾苟濟焉者時
使也君子弗為也夫事紛而理約時靡一而已有常
也是故君子務宰也務制也蓄之以為發也和之以
為直也通之以為定也發由蓄以為弗膚也和由直
以為弗撓也定由通以為弗固也其觸也將有建也

猶思焉其當也乃建焉何居取諸蓄以爲發也其激也將有奮也猶存焉其平也乃奮焉何居取諸和以爲直也其變也將有執也猶審焉其適也乃執焉何居取諸通以爲定也是之諸宰者立而制者獲也宰立者以役事非事役也制獲者以使時非時使也庸是試焉而折焉成也其不庸是試焉而成焉敗也故正而弗成君子弗息成而弗正君子弗趨也許子正且成矣茲舉也匪賀其成賀其以正成也

夢澤集卷之十二

